



ICS2

Treće izdanje: tehnička priprema

U okviru trećeg izdanja carinskog sistema sigurnosti prije ulaska u EU – **Sistem kontrole uvoza 2** (*Import Control System 2 – ICS2*) – sva roba koja se prevozi pomorskim i unutrašnjim plovim putevima, drumom ili željeznicom u ili kroz EU¹, što uključuje i poštanske i ekspresne pošiljke, podliježe novim zahtjevima.

Ekonomski operateri (EO) obuhvaćeni u sklopu toga morat će slati sigurnosne podatke sistemu ICS2 putem ulazne skraćene deklaracije (*Entry Summary Declaration – ENS*), a da bi to uradili morat će se povezati sa sistemom.

Na koga se ovo direktno odnosi?



Prevoznike koji saobraćaju pomorskim i unutrašnjim plovim putevima, drumom i željeznicom



Špeditere



Krajnje primaocce (kada je riječ o pomorskom prevozu)



Poštanske operatere



Prevoznike ekspresnih pošiljki

¹ Sve države članice EU, kao i Norveška, Švicarska i Sjeverna Irska.

Šta prvo trebate uraditi?

Kao EO na koga se ovo odnosi, morate odlučiti da li želite razviti sopstveni IT sistem ili koristiti usluge davaoca IT usluga (ITSP) za slanje podataka ENS sistemu ICS2.


Također, morat ćete na vrijeme da se dogovorite sa različitim stranama u lancu snabdijevanja o tome kako ćete slati ENS podatke. Ovo zavisi od toga da li će strane koje učestvuju u lancu snabdijevanja pristati da podatke neophodne komercijalne dokumentacije stave na raspolaganje prevozniku.

1. **Ako je odgovor da**, prevoznik sve neophodne podatke šalje sistemu ICS2 u obliku potpune ENS
2. **Ako je odgovor ne**, klijenti prevoznika moraju sami poslati relevantne nepotpune ENS podatke sistemu ICS2 ili organizirati da ih pošalje druga strana učesnica u lancu snabdijevanja (npr. primalac sa sjedištem u EU kada se radi o pomorskom prevozu)

Bez obzira na to ko je tehnički pošiljalac (vi ili vaš ITSP), vi (kao deklarant ili referent) ste zakonski odgovorni za tačnost, potpunost i blagovremeno slanje podataka.

Kako izvršiti tehničku pripremu?

Strana koja šalje ENS podatke (vi ili vaš ITSP) sistemu ICS2 morat će uraditi sljedeće:



1. Uvjerite se da ste **dobili registarski i identifikacioni broj privrednog subjekta (Economic Operators Registration and Identification – EORI)** od jednog od carinskih organa država članica EU.

- a. Ako je EO istovremeno i pošiljalac i deklarant, potreban mu je samo jedan EORI broj koji se može koristiti za obje uloge.
- b. Ako EO sarađuje sa ITSP-om kao pošiljalac, onda je neophodno da obje strane imaju EORI broj kako bi registrirali certifikat i slali ENS poruke.



2. Obratite se nadležnoj državnoj carinskoj upravi (koja je izdala EORI broj) i predložite **plan²** za sprovođenje testiranja samousaglašenosti (*self-conformance testing*) i započinjanje rada u okviru sistema ICS2.

3. Razvijte ili ažurirajte vaš **IT sistem** na osnovu najnovijih zajedničkih funkcionalnih i tehničkih specifikacija sistema ICS2 (**Common functional system specifications – CFSS** i **Common technical system specifications – CTSS**).

4. Nabavite neophodne digitalne certifikate od organa za izdavanje certifikata sa **liste pouzdanih popisa (List of Trusted Lists – LOTL)** kako biste potvrdili vaš identitet (odnosi se samo na pošiljaoca).



- a. **Jedan certifikat kako bi se zapečatila poruka (definirano u CTSS – kontrolnom dokumentu interfejsa). To:**

› morate nabaviti od odobrenog **organa za izdavanje certifikata** koji se nalazi na listi LOTL;

› pripada pošiljaocu i povezano je s njegovim EORI brojem; i

› treba biti registrirano u državnom/centralnom sistemu za jedinstveno upravljanje korisnicima i digitalni potpis (*Unified User Management and Digital Signatures – UUM&DS*). Ovaj sistem vam omogućuje siguran ovlašteni pristup elektronskim carinskim sistemima EU.

- b. **Certifikat za sigurnost transportnog sloja (Transport Layer Security – TLS)** za šifriranje https veze. To:

› morate nabaviti od pouzdanog komercijalnog organa za izdavanje certifikata;

› će se koristiti kao transportni sloj (https) u svrhe identificiranja; i

› ne mora biti registrirano u UUM&DS sistemu.



5. Sprovedite obavezno **testiranje samousaglašenosti**.

² Ako EO ima sjedište u Švicarskoj ili Norveškoj, svoj EORI broj može registrirati u državi članici EU po vlastitom izboru. Međutim, EO mora dostaviti plan carinskoj upravi vlastite države.



Kako se sprovodi testiranje samousaglašenosti?

- › Pogledajte proceduru definiranu u **dokumentu za organiziranje testiranja samousaglašenosti** i specifikacije za dizajniranje testa za scenarije i slučajeve testiranja usaglašenosti EO.
- › Pošaljite zahtjev **Državnoj službi za podršku** za kreiranje korisnika i uloga u UUM&DS sistemu u okruženju za usaglašenost sa ICS2 kako biste pristupili sistemu.
- › Koristite UUM&DS akreditive (koje dodjeljuje Državna služba za podršku) kako biste se povezali sa **Zajedničkim portalom za trgovce (Shared Trader Portal)**.
- › Odaberite ulogu i scenarije za testiranje i sprovedite testiranje usaglašenosti. U slučaju da imate pitanja, obratite se Državnoj službi za podršku.

Postoje dva načina da se povežete kako biste sproveli testiranje samousaglašenosti.

- › Za uspostavljanje veze između dva sistema, podesite dvosmjernu TLS vezu upravljanjem izjavom o primjenljivosti 4 (AS4) kao pristupnom tačkom za ICS2.
- › Za uspostavljanje veze između korisnika i sistema, povežite se sa Zajedničkim interfejsom za trgovce – Specifični portal za trgovce (*Shared Trader Interface – Specific Trader Portal – STI–STP*).

Šta trebate znati o testiranju samousaglašenosti?

- › **Testiranje samousaglašenosti je obavezno.** Svrha testiranja jeste da potvrdi da je IT sistem koji će se koristiti za slanje tehničkih poruka ICS2 sistemu i primanje istih spreman za rad u okviru sistema ICS2.
- › Ako ste već povezani s ICS2 sistemom (npr. vi ste špediter, prevoznik ekspresnih pošiljki, poštanski operater itd. koji učestvuje u zračnom prevozu) trebate testirati samo nove poslovne procese za treće izdanje.
- › Ako se prvi put povezujete s ICS2 sistemom, trebate testirati sve osnovne procese.
- › Testiranje samousaglašenosti se razlikuje u zavisnosti od uloga i aktivnosti EO-a.

Obavještenja za prevoznike

- › Ako prevoznik odluči da koristi ITSP i da prima obavještenja od ICS2 sistema neophodno je da registriira EORI broj u UUM&DS sistemu. Prevoznik također treba postaviti pristupnu tačku putem STI–STP veze i shodno tome konfigurirati postavke.

Datumi koje treba zapamtiti



- › Za dodatne informacije ili u slučaju da vam treba pomoć, obratite se **Državnoj službi za podršku** zemlje članice u kojoj je registriran vaš EORI broj.
- › Pogledajte dokumentaciju (specifikacije, kodovi grešaka, materijali za obuku i često postavljana pitanja) dostupnu na engleskom jeziku na **platformi za dijeljenje dokumenata CIRCABC**.



BUDITE U TOKU S ICS2
Saznajte više na web lokaciji: ec.europa.eu/ICS2



Publications Office
of the European Union